

遂

初

堂

詩

集

遂初堂詩集卷之十一

黃廬遊草

將遊黃山匡廬書懷二首

庚

我生愛探奇足跡窮海嶠羅浮與勞山絕遠無不到如
何矚睫間乃有未登眺黃山天下奇仙靈閻堂奧千華
削玉齊萬笋排空峭鏘瀾雲輕明躡龍松古拗徒然撫
圖經恐詒山靈誚決策一往遊及此未衰老故人况林
居吳祭酒携香請假在廬遺榮而味道閉戶修山經冥搜有同好
籃輿諒能將勝侶定可召所至得從容庶盡山水妙世
事纏綿長一撥如快鶴和風颺晴漪疾鼓柁江棹

遂初堂集 黃廬遊草

匡廬九疊屏奇秀，甲萬山精籃千百區。錯落巖谷間，高
流此棲遲。一往不願還，我昔浮鄱陽。倒影數翠髮，風利
不得泊香爐。失躋攀到今，抱遺恨企想披雲關。夢覺大
槐根，舉世惟我閑。如何久掛屐，坐令腰脚頑。溯江達潯
陽，千里非險艱。似聞通門士，德化令紀秉乾守官清且嫻。爲我
辦芒鞋，不勞費一錢。便當乘興去，玉芝採璘瑤。漱齒灑
布木題詩五老顏，俯視紅塵中高謝。觸與蠻

過長水訪朱竹垞閱其藏書同過天香菴看梅尋
繆天士李斯年周文石諸故舊口占長句

將爲汗漫遊，取別膠漆友。小別動經年，那能違分手。我

已懸旌不可留君言停橈且少休子非壯年我頭白豈
可相遇如浮鷗感君此意住一日聞君藏書富無匹列
積芸籤盡秘本連牀紙多鈔筆隻字搜來劫火餘誰
金購自故家出一瓣已堪壓鄴架三篋定可補石室今
年積寒勒江梅絕竒上已逢梅開野巷疎籬十數樹娟
娟香雪粘蒼苔此鄉故友多零落繆李猶存欣嬰鑠浮
沉不異九秋萍出處何殊一丘貉古南禪伯今則無收
和米市詩翁不可作艾石之人生良晤非偶然不惜明
燈照澆酌吾曹自有千秋期莫嗟衰晚愁鬢絲旂常鐘
鼎非吾事著書藏山猶未遲我方躡屩登匡廬君亦浮

舟遊武夷歸來各攜赤文綠玉字要補上世石鼓銅槃
辭

釣臺

雲羅張百鳥不挂九霄鶴神龍倘就羈何殊蚓與蝮嚴
陵巢許倫意度何寥廓帝王一批糠將相一螢燭故人
自天子吾目無京洛招來共被眠詡詡長伸脚客之尚
不可矧敢糜以爵還歸把修竿獨釣萬仞壑清風激頰
懦千秋儼猶昨荒祠罨蛛絲像古玉骨削君看此風標
雲臺那得著碧山鱗亭亭清江流漠漠靜對兩無言巖
花自開落

新安江四首

睦州到新安清溪三百里
茲惟漸江源遠出三天子
我行泛輕舸春日正晴美
柔風逐帆來弱浪隨槳起
滌硯雲容容褰裳石齒齒
一碧涵空天微紅綴桃李
清無沙土畱淨若月露洗
豈惟不掩鱗投針亦可指
方信詩人言見底不虛耶

江流旣清駛夾岸山更佳
蒼翠來無窮重疊相交加
或如側立屏或如對排衙
纖秀拔孤筍青葱露雙鬢
冠嶺松茂密緣坡竹鬚髭
倒影落江中素波映丹霞
賦心攬千變畫筆兼數家
蓬窓坐臥看活火烹新芽
羞勝長安

道立馬迎風沙

清溪千百轉一轉一佳境時時見澄潭往往得秀嶺人
家出炊煙野寺來塔影孤村雞犬閑小市魚鹽冷山椒
乍開梨水際未殘杏嬰鳥鳴幽脉脉泉流靜觸物多
賞心紛來不遑領飄然泛孤槎不辭江路永只愁占客
星誤到明河頂

江源從高來逆上多急灘去灘數百步已聞水淙潺篙
師各盡銳百丈牽危竿碎石過犖确峻磯脫巉岈我嘗
客八閩惡谿歷千盤奇險試九龍區區何足難况逢春
流淺百里無驚湍舟從枕席過不礙眠與餐清遊天所

相隨寓無不安更禱十日晴山行盤奇觀

娑羅樹歌

樹下爲娑羅園吳楞香與弟繪圖積書處余假館焉

娑羅本自天竺樹託根鹿苑金仙家移來震旦不可得
凡土未易滋靈芽安西表箋漫稱述北海碑筆徒矜誇
不知何人致此本遠發蔥嶺踰龍沙博訊福地特栽此
潛虬山谿滄且嘉到今閱歷幾人代神斤鬼斧不敢加
蟠根十畝絡地肺聳翠千竒停日車古幹崛立鐵黯淡
椽枝反走龍盤拏三月四月始抽葉五年十年一作花
簇如銀盤堆火齊爛若天半開朝霞三霄天女下結鬢
百里蜂王來放衙落英層層鋪綺褥結實顆顆排丹砂

主人爲園傍此樹直披翠幄垂簷牙沐餐清芬長道味
醞釀秀色蒸天葩我來坐臥五晝夜寒芳吸翠良已賒
畫圖妙筆想三絕吟詩斂手慚八叉秦岱秦松化朽枿
嵩山漢栢爲枯槎何如此樹年壽永劫火不到罡風遮
更祝天龍勿靳惜分移多本傳中華八方普蔭不偏缺
香風逸韻流無涯

潛口訪汪扶晨

當宁曾聞賞子虛盈廷未肯薦相如坐令和壁長埋璞
誰信驪珠可照車黃海煙雲憑管領墨林榛棘藉耘除
異時谷口今潛口百疊青山一草廬

拱中追懷汪伯玉先生

新都數文人首及汪司馬生當升平代官至台司亞盛
年臥林泉揚風而矜雅詞筆照一時聲名走天下拱中
一弓地形勝侈摹寫曲折類輞川清幽比靈冶我來訪
遺踪惟見碧流瀉當年讀書臺零落無片瓦蒿艾長於
人泥沙滾沒輟因嗟成壞速足驗萬緣假藏山有負趨
日月不堪把借問風燈中誰爲堅久者

望雲門峰

路入黃山不見山雲門當面獨孱顏略呈奇秀千峰表
引客來時送客還

湯泉

天都峻極標青冥上帝高居朝百靈顧視凡骨哀伶仃
載肉之軀饒穢腥賜以湯沐登福庭潛驅神工鑿翠屏
石髓迸出金膏零煑以陰火噓赤蓮融蒸丹砂漱空青
澄然一泓碧玉淳不寒不熱長清冷春陽溫和蘭澤馨
浴之五內祛煩醒疏導百脉通諸經如病得甦醉得醒
三尸遁逃神清寧身輕直欲乘雲翥氣爽兼可役六丁
上真遺言更細聆先當洗心後鍊形身本無垢玻瓈瓶
垢從何來盍惺惺解汝帝懸除天刑勿以清渭淆濁溼
濯魄水壺澡中滋織塵微滓不遣停何難高翔騎鳳翎

天門蕩蕩畫不局瓊漿一吸三千齡

祥符寺

牢落前朝寺無僧竹樹清矮牕看壁色高枕聽溪聲就
浴褰裳便停輿襪被輕殘碑不可問剝蘚見題名

桃花源

緣溪尋石路撥草得書堂雲過衣衫潤風來藥草香瀑
飛千澗雪花綻一林霜丹井分明在白雲何處鄉

慈光寺

黃山百神居體勢窮偉怪太古人莫窺峻潛萬山內前
賢間題詠登覽實未逮秘藏開有時靈蹤無終晦符門

乘願來一錫披荒蕨巢居雲霓嶺絕粒豺虎隊道力感
人天諸緣畢來會龍函國母錫玉帛三宮賚金銅像七
層輦送來天界地湧琳宮新神營寶坊大從茲山徑開
稍稍通軒蓋茅菴布谷中竹杖穿雲外峰巒無藏奇開
士功爲最到今滄桑餘精藍儼然在鐘魚肅清規賜物
畱前代戒定力所持不隨三災壞亭亭木蓮花挺立見
高槩導師餘蔭存千祀無翦拜

贈中洲禪師

震旦神奇第一山久無龍象住中間賴師獨唱無絃曲
有客頻敲枯木關金色界居緣不小莖茅剝現任方艱

時方議重
建大殿
見虛眞面何人洗三十六峰相對閒

文殊院

誰從削壁架飛橋直上層城透碧霄雨洗千峰初獻募
雲籠萬壑欲生潮人眠月窟庸寒粟界入風輪閣動搖
便與清涼無別境不煩金臂更相招

天都峰

黃山百千峰茲何獨稱長大巧不炫奇尊嚴故無兩中
天開帝廷萬靈此朝饗肅穆垂冕旒森嚴排甲仗梯空
一萬重拔地九千丈煙雲升及腰日月行在掌羣山自
言尊對之失氣象譬如見眞人羣雄自頭搶蒼蒼百里

外孤標已瞻仰卽之如可親攀之莫能上右闕望戔戔
天橋颯朗朗敲肉無由升徒然結遐想

蓮花峰

一峰駢千峰萬石攢一石化工何太巧削成不畱迹想
當鴻濛初天根始甲拆羣峭紛上千一莖遂分剗或側
若笏簡或端如圭璧軒軒鳳開味落落鵬騫翻合成千
葉蓮亭亭插空碧蕩漾雲海中揚葩復含蕊蓮臺百萬
層中爲列仙宅天池聚荷珠灑灑盛玉液欲往從之遊
雲衢誰能闢天風起蓬蓬思借王喬舄

丞相源

十里松杉到寺門遙峰如蓋正當軒清溪流出桃花底
錦石鋪來竹葉根人臥空堂雲不去山圍高閣雨難昏
此中若肯開蓮社元亮先思斷酒尊

皮篷訪雪莊禪師

高僧本逃名獨臥萬峰頂何期名遠聞鶴書下延請三
辭不可却暫到紅塵境緘口不談妙避喧如避竅堅求
放還山雲鴻逝真真我來訪高蹤大壑雲萬頃蝸廬寄
其間飄若一煙艇焚香披畫圖汲澗烹茗芋人如冰雪
清韻與松杉冷利名所波靡緇流亦馳騁舉世爲紅爐
君心獨古井卽此是說法何須白拂秉聽者有何人山

頭石首肯

光明頂觀雲海

黃山奇百千最奇在鋪海變眩由天工可遇不可待我
來何幸得見之光明頂上新晴時初看羣岫出煙縷漸
見衆壑生漣漪相逐相摩旋凝積漫空飛絮彌天帛埋
却山河越席平結成大地玻璃白置身恰在最高峰雲
所不到天曠曠日光下燭發奇彩大千世界銀濤中須
臾解駁冰紋碎露出峰尖倍青翠日高風動雲散飛千
隊歸師萬旆旆茲遊如觀戰昆陽戈矛劒楯相撞搪戰
罷煙塵掃無迹鯨鯢奔騰虎豹藏又如洞庭覽張樂鈞

天廣奏紛竿箭九變終時萬舞收野曠江清天漠漠
萊海市不足誇阿閼國土無塵沙世主與雲供文佛妙
嚴法界如是耶萬象森羅齊湧現崇朝變滅何須歎
生漚滅本來無器界根身同一幻

平天砦

半空石路坦然平曳杖蒼龍脊上行高不作峰峰盡拱
無邊煙海一梁橫

鍊丹臺

千峰競巉巖平地無尋丈何意逢丹臺豁然得空曠平
如百畝敞寬容萬人仗羣峰爲蓮瓣側立環相向茲臺

乃蓮房宅中無倚傍一正壓衆奇明廷始宏壯想當軒
皇遊百神肅主唱合樂奏鈞天集靈開黼帳不有寥廓
區詎名天子障連朝苦犖確得此神一王雲海方新開
餘波猶蕩漾似坐萬斛船平臨北溟漲天風儻然來弱
骨輕欲颺便執化人裾永投夸父杖

天海菴

一菴卓立黃山心煙林無際香光浚榻下空濛三海蓄
意中紫翠千峰臨遊屐遙思此中脫何意堂空人跡絕
見說山僧不耐飢一笠飄然與菴別萬頃煙雲變態新
如斯供養不爲貧欲求銀地開山主須是蘆芽透膝人

飛來峰

何峰頭一笏排如連似斷莫驚猜五山尚自無根蒂
七情神鼈首戴來

西海門

黃山以海名其義不可詰及茲窺海門境界果奇絕巨
壑無津涯千峰中森列細大各標新低昂爭鬪譎雲氣
涵浸之出入互明滅雲屯綃幕封雲散銖衣揭何殊觀
蓬瀛浩淼煙濤濶島嶼如星羅金銀見宮闕造物大幻
師幻成真不別身世本來虛大地浮漚結聊爲不繫舟
萬里恣超越莫漫投長竿恐驚六鼈擊

始信峰

三十六峰舊著名，始信後出奇。天成一笋單，抽峻千仞。鈞梯不到如金莖，旁峰可上，限絕壁，飛橋懸度，心忤忤。天生奇松與援手，徑造峰頂排空行。如登浮屠，不循級。頓踞上層神，鬼驚峰端銳，削不容席，振衣鵠立，穿青冥。俯視奇石百千隊，橫披側露無潛形。撫摩峰巒，蹻飛鳥。揮霍雲海騎，奔鯨杖履遙，看作仙影嘯歌飄，落爲天聲。載肉之軀，那到此軒皇。風后如相迎，寒江烈士石。江文此獨坐目空濁，劫羞吞腥騎。箕化鶴，等閑事。題字不滅苔。痕青登危涉險信，有道達觀遺物能。身輕退之，崛強自。

言勇華山頂上嗟零丁

散花塢

黃海信多奇可望不可卽茲塢得近觀天巧披歷歷拔
地石輪囷神鑿而鬼刻爭奇各出意斷怪畢盡力連崦
百獸舞磊落千幢植人物旣肖形器玩仍設色寶府珍
駢闐禁苑花側塞化工何多暇作此狡獪劇意者古媧
皇補天有餘石遊戲搏衆妙闕藏欲無跡山開竟發露
神奇不終匿驅山有秦鐸乞借安可得但令割一峰秀
堪掩一國

石笏缸

山靈酷喜新山格亦善變花塢聚一園天葩鬱蔥蓓筍
石巨橫隄削立石萬片發地而干霄變態齊湧現瑤簪
各單抽牙笏必特搢揚旌欲萬舞植戟待攻戰指天天
爲愁劇日日亦眩觀者莫心驚此格非創見南龍本多
骨萬里來蠻甸五嶺百千峰如焰復如箭到江龍欲盡
復此見真面餘波及中吳窄寧開疊巘南土多秀民良
由奇獨擅山秀脉乃靈骨尊品不賤迴頭眺衆峰欲別
有餘戀

擾龍松

松身穿石石纏松一樹周遭蓋一峰看盡奇松無此本

不愁飛去是馴龍

接引松

鐵壁銀山對面垂梯空直上妙難思懸崖撒手憑誰力
得度難忘此導師

蒲團松

密織虬枝作軟藤峰頭孤挺更無朋肯來此上跏趺坐
料得人間只一僧

樵松欵

黃山之松世希有龍蹲虎蹙十而九抱石無枝不屈蟠
冠峰有幹皆偃走煙雲長養常華滋石骨栽培不彫朽

雷火難焚浩劫存神斤不到山靈守咄咄怪事旁村樵
踰山越嶺不憚遙伐松爲薪一何忍碎剝玉骨批瓊條
萬人賞嘆千年質去向誰家釜底燒山僧百拜乞不得
諸天雨淚如絲飄世間萬事有厄運舟移壑徙多遺恨
洛城兵來葬器空江陵火作圖書盡雖知幻質歸消融
忍見名松旦夕空且願官司嚴禁約保殘守缺猶堪雄

師子林訪默安禪師不值

昔登九華巔識師掩關處昨聞移錫來撥雲擬相遇何
期還舊山獨立空延佇託宿借繩牀牀下飛泉注懸鉢
無春糧撥灰有殘芋想見犁眉翁高眠擁敗絮聽法不

須人林林怪石聚身世兩俱忘何心戀名譽峰巔望九
子蒼蒼辨雲樹浩歌臨長風吹向天臺去

九龍潭瀑布

黃山峰高蓄泉少懸瀑不長一目了惟有九龍瀑數層
初來久晴渴而小連朝驟雨兼轟雷千山出泉下如搗
處處衝湍溢澗邊往往練光曳林杪揭來再過天紳亭
龍潭瀑勢何夭矯白虹垂空千丈明水輪碾地四山掉
撞潭躍出萬珠璣迸石紛披百旒旒慄悍勢將三海翻
奔騰力欲千軍掃如同龍湫競雄濶似與壘泉鬪輕巧
山靈好事補闕遺恐悞遊踪雨不早傳語遊人莫悞陰

黃山瀑泉雨後好

壁菴和尚塔二首

批鱗風節著朝班晚著田衣臥竹關坐斷吳峰兼越剎
獨畱香骨與黃山

麒麟高塚勒豐碑名姓多教異代嗤何似窳波乘月下
一泓秋水薦軍持

贈鄉僧鴈黃二首

萬仞崖邊一衲逢鄉心旅跡話從容鴈山遊倦黃山佳
踏盡尖巒與瘦峰

怪石奇松當下拜一松一石一篇詩好山無數詩無數

問爾歸來是幾時

將出山階別吳榜香及同遊汪文治王名友諸子
人生不得行曾懷百歲猶千古所恨惟吾曾懷與衆殊
天下名山願遊盡人求天應恒相左斯福於吾獨無虧
三條四列任攀登取次題名徧嶽鎮黃山應念仍快遊
餐奇攬秀無餘蘊天生通門作地主蠟屐臨巖與謝勞頓
雨晴明晦總空人從遊唱和皆英俊清歡勝賞足千秋
巖屏流輝水溢韻山水之樂不厭貪更訪匡廬裹青飢
一丘萬里各逍遙莫以料潛笑鵬運

至海陽訪文允言於仙居鄉邀與同遊廬山

司勳昔理禾

煇巖先生

矯矯著風節人爲天官郎獨鶴步朝

列世變遂懸車義操凜冰雪高臥廬山陰杳然與世絕
釀酒鹿以巾著書雨用鐵江楚一完人身逝名不滅聞
有令嗣存才高行脩潔刺船遠訪之不憚重湖越居窈
類仙源人孤無俗轍素心一相遭膠漆難爲別此邦兵
塵餘文獻傷凋缺懷鉛渴諮詢傾蓋難細說何如共山
行世事并刀截婆婆千峰頭快吐中腸結

煙水亭

湖迥環城角亭孤峙水心江光浮幙淨嶽影浴波淡碑
碣三朝聚風帆四面臨琵琶亭廢後只此可聞吟

濂溪祠

住近蓮花洞平生獨愛蓮名溪仍故屋傍新阡濂溪
本道州水名先生葬母廬山因家山下卽名其水曰濂溪樂趣浮雲外曾襟霽月邊
無人契心易圖說只空傳

太平宮二首

上帝高居燭照眞寧勞使者徧咨詢如何下界爲天子
也猶空中採訪神宮爲九天使者祠唐明皇所建

殿宇荒涼過劫灰松聲淒冷鶴聲哀惟應十石苔花釜
曾見三千羽客來宮久廢惟存巨鉢

東林寺

銅駝臥荆榛江左亦多故矯矯肥遯賢爵祿非所慕廬
山一片地溪澗谷盤互翛然鴈門僧挂瓢此中住唱演
微妙言清涼勝甘露諸賢一見之依依不能去白業
精修如客得歸路白蓮散香風六時清漏注寥寥千載
餘遺跡猶可覩殿宇雖荒殘風月仍清素今代非乏賢
招之亦可聚惜哉無聖師垂蔭作大樹堂堂塔中人冥
坐小劫度何當乘願來淨掃彌天霧

西林寺

遠公非不佳永公尤清真短衲軒然來意乃無朝紳逸
韻被巖谷泉香石粼粼到今禪棲者枯淡遺世塵結廬

豈必廣蕭疎帶松筠容衆豈必多所貴行業純緣來千
鉢聚緣謝一錫貧世事有興替法運非所因但願冰鐵
人一髮維千鈞廬山洗真面靜對無冬春

香爐峰尋白樂天草堂故趾

江州司馬愛山好築堂欲向廬山老一朝官滿還別山
巖瀑松雲棄如掃始知陶劉未易及解組淩棲樂枯槁
紫雲菴前竹叢密香爐峰陰谿縹緲老僧指點草堂基
是耶非耶費搜討千年遺跡埋草間清泉白石仍班班
如何後來仕宦者曾無片屐來茲山拄笏遙看雖自美
坐嘯寧無半日閑嗟哉白公誠已賢嗟哉白公誠已賢

綠雪菴

紫雲已秀絕綠雪更清幽爲有千竿竹常生六月秋
爐峰晴墨翠石澗雨添流一衲忘機者相將汗漫遊

大林寺

行過講經臺已到萬峰頂何期得平坡涵浸雲百頭禪
居枕巖阿清絕異人境盛夏開春花滾山見江影排案
列岫齊環門一溪冷樹古六朝留天空諸籟靜老僧不
下山哦詩漱苦茗撥草人來稀佳趣唯獨領浮生等陽
箴渴鹿使狂騁何當宅枯巖兀坐萬緣屏

寶樹

頂髒雲霄枝拂地水柯鐵幹一層層風雷長護千年質
恐有南朝入定僧

山牡丹

黃山乍見初含蕊行到廬山始盛開亂紫繁紅都落盡
獨畱絕艷待人來

石隱菴

花徑欲窮處峻嶒出斷崖石欹千澗落樹老一菴埋繡
壁高粘屐清江遠入懷此中應著我十笏置茅齋

佛手巖

廬山之陰佳絕處昇仙臺北懸崖路大壑陰森不見底

磴道盤空一綫度九旗峰高削寒玉錦繡谷竊埋蒼霧
誰將月斧斲雲根石骨豁豁洞天露通明中可百僧趺
幽異常爲衆靈護巖端秀削五指齊洞腹清冷一泉注
兜羅綿手覆大千路展慈雲灑甘雨巖邊幻寺名竹林
無形有影不可尋千年一開報赤脚仙佛竝坐金臺澗
神丹一丸瘵帝疾字跡可錄詩可吟試求其踪杳無所
猿嘯虎嘯愁人心由來穢土卽淨土凡聖同居非自今
疑無詫有堪一笑世人眼孔都如針

天池寺

一泓山頂碧無痕木杪亭亭古塔存地藉仙靈千載重

剎憑帝力十方尊神燈照夜分還合天樂鳴空靜不喧
萬里剛風撼樓壁振衣疑化北溟鷗

聚仙亭

顛仙莫測是何仙天眼身居第幾天暫露神通驚聖主
略將言句表真詮至人未肯輕忘世散聖由來不縛禪
不是豐碑畱御筆盡疑靈蹟屬虛傳

火蓮院

廬山正中處一剎負危岑竇樹行行直香泉脉脉澗蓄
雲爲海勢湧楚作潮音火宅栽蓮好誰明不染心

黃龍潭

古德跣趺處千年作道場地靈羣鹿獻潭竊一龍藏拒
日松杉密巢雲殿閣涼應真圖像在神妙最難忘寺有元人

所書寸
入羅漢

金竹坪

十里翠濛濛山將竹色籠
谿寒常帶雨壑邃迥含風
寺露高松底僧來別澗中
祇園清絕處惆悵法堂空

仰天坪

人間四月無花看上霄
峰頭花爛熳山丹杜鵑夾道開
殷紅縹白紛凌亂無名異卉偏鮮妍
匿影幽禽巧相喚
寒煖陰晴迥不同
峰高已在天之半
山頂一坪名仰天

別開世界鄰霄漢，駕鹿耕煙瑤草肥。
驅龍鑿翠清泉漫，坐擁霞城地絕梯。
旁臨雲海天無岸，披茅晏坐唯鳥窠。
煨芋獨棲應懶瓚，近來衲子畏枯冷。
誰肯灰心世緣斷，猿啼日落悄無人。
曳杖下山發長歎。

登五老峰最高頂

我浮鄱湖望五老，萬仞秀出天中間。
雲氣蒙籠乍開合，恍疑蓬閣難躋攀。
豈意今朝策藤杖，迢遞徧踏五峰上。
寒空嘯裂碧玻璃，大地山河收寸掌。
南康軍城一葉浮，揚瀾左蠡橫天流。
白沙赤岸錯如綺，煙林點點天南州。
天公妬我盡遠景，故遣飛雪奪峰頂。
如輪如席掠面來。

萬象斯須不畱影，乘雲我欲之。帝廷稍爲匡，君鳴不平
茲山何者讓，衡霍不嶽不鎮。誰使令一笑，顛仙扶我住。
世上空名了無據，餐霞吸露快卽休。多口無遭帝，關怒
青蓮寺。

信步隨樵徑，雲坳度幾層。竹澗知有寺，苔合似無僧。
夏花初綻先秋露，早凝山心枯冷。地面壁，古人能

蘆林菴

世尊趺坐處，穿膝有蘆芽。卽此雪山地，宜爲大士家。
飯客旋燒笋，談經舊雨花。苾芻能導我，歸袖有殘霞。

菴僧
高僧

同遊五
老峰

圓通寺

石耳峰邊竹徑開寺鄰驛路絕緘埃霜刀飛處僧危坐

道濟禪師事

石塔紅時人再來

周機禪師事

夜話亭空涵白月光

田坂老繡蒼苔高風僅見齋尊者誰與題碑樹草萊

前住

持雪堂三十年齋不
至席碑銘未立故云

淵明故里

淵明詩百首未嘗道廬山居乃在山麓忘山意彌閑想
其挂冠歸取適泉石間素心共晨夕方外相往還飲酒
豈必醉聊用洗塵顏逃禪豈必社要在遺人寰置身羲
皇上眇彼觸與蠻宗雷尚非偶顏謝焉得班醉眠石蒼

冷濯纓水淙潺高風去千載猶可激貪頑

歸宗寺

峩峩金輪峰秀出山南面連綿下平岡萬松鬱葱蔭
然開寶坊樓閣如湧現吸江復吞湖煙景朝昏變歷代
大導師於茲法輪轉香厨飽千僧法將經百戰洪爐冶
精金佛祖遭烹鍊我橫柳榭來撥落雲片片復生松已
殘法流弱如綫殿宇猶恢宏廣庭月如練安得赤眼翁
重來整壇坵彌天興大雲沾灑根莖徧

玉簾泉

不作雷轟與電奔千絲萬縷落雲根曳風珠箔輕無力

映日皎綃薄有痕靜對不辭巖石險
潏潛應讓伏龍尊
軒車草草何曾見削壁枯藤未易捫

簡寂觀松

簡寂觀前多古松株株勢作擎雲龍
蟠根化石雪色冷
偃蓋拂天寒翠濃左紐奇紋鵬側翅
橫行桀榦鸞翔空
衣冠修偉列四皓風骨離奇排八公
植根不省自何代
恐與立觀年祀同惜哉觀宇久頽廢
數椽老屋祠岱宗
道士見人輒退縮經臺斗石埋榛叢
當年修靜亦奇士
邈公元亮相追從詔書徵去不復返
猿啼鶴怨空山中
賴有蒼松耐孤冷餐霜沐雪無春冬
千年妙質竄荒谷

高謝漢社逃秦封神斥却走雷火避永與福地留靈踪
豈惟人壽不如樹仙骨亦化隨罡風誰談不遷真諦義
環聽幸有蒼髯翁

開先寺

白龍劈青天迢迢見雙瀑言尋瀑落處逶迤入深谷夾
道松千章飲我鬚巒綠寺門開松陰積翠可攬袖堂空
像設清僧少威儀肅磨崖多舊題班駁猶可讀借問瀑
何之策杖穿深竹飛流破山來重潭不可蓄大聲搖山
根盛怒嚙巖腹一墜不見底瞥如電過目天開此絕境
終歲看不足所以謫仙人臨流結茅屋我同逸士來解

衣坐巖曲靜對無一言會心勝濠濮佳興浩莫窮清遊
杳難續輸與住山僧朝朝漱寒玉

布水臺

高陟黃岩寺言尋布水臺日邊金塔湧天上玉躡來直
下千尋練淩盤萬壑雷神龍洗潭過山面斯新開

題心壁上人洗鉢圖

洗鉢無如飛瀑好問師何事去人間要尋佛鉢真消息
更上天南雞足山

心公
往山中

萬杉寺

蒼杉萬本畫陰陰宋帝當年此布金蘚石尚留龍虎字

風泉猶帶管籥音劫灰重整精籃壯雲窟新開白社深
靈隱一燈分此地可能枯木起龍吟

五乳峰

連珠峰勢望崢嶸等到山門一掌平寒沼不枯憑鉢汲
石田無稅任刀耕簷端五老寒雲立牕裏千帆拂鏡行
慈範開山儼如昨惠大竹梧相對影堂清

三峽橋

衝波不可渡絕澗爲長橋誰裁巨鼈足拄此蒼龍腰嶽
嶽萬奇石角立鼇鼈驕飛流與春撞岌業山谷搖玉淵
湛寒碧金井通潛潮四山風霆鬪一谷珠雪飄俯闕氣

陰肅旁睇天沈寥平石可敷坐酌酒嘗山肴悠然坐忘
返頓令百慮銷飛虹不可躡石梁亦難超何如此清曠
林浚水石饒汲泉謝桑苧隱矣不用招

橋畔有招隱泉
陸羽品爲天下

第六

棲賢寺

清溪十里瀉奔淙尋到源頭出梵鐘
小雨欲昏林外塔輕雲不掩閣前峰
藏書人去巢餘鶴入定僧歸鉢有龍
關掃落花扶弱竹山家無事不從容

白鹿洞

廬山擅靈秀自昔棲文儒
符楊劉李輩後先此卜居
後

來鮮踵武書堂廢無餘林泉絕勝處盡作仙釋廬卓犖
朱紫陽顏孟追步趨儒術慨不振飛章上天衢請修古
鹿洞賜額頒御書立殿崇俎豆置田膳生徒洞規指切
要講肄名賢俱洞學遂勃興百王尊楷模至今尚宏整
宸章日星舒師儒守遺訓弦誦彬彬如百千菴院中著
此學舍孤振起亦在人大道愁榛蕪勉旃砥實學章句
無區區

讀先曾祖復學田碑記

再闢書堂復學田先公勲德炳江天百年循績遺黎頌
幾度兵塵木主遷碩畫幸蒙山志載鴻文今見洞碑鐫

多慙述祖無才筆公論還憑父老傳

贈洞主熊漁濱

主洞考亭曾有願德尊原不計官資與君便作九州伯
未勝長爲多士師絕學淵源憑討論頽瀾習俗藉維持
枕流橋上行吟處風度長令異代思

巢雲菴

蕪沒等真觀新開淨業堂湖明識竿影船迴見燈光野
笋爲丸嫩新菰入焙香老僧諳靜味清夜話偏長

玉川門

大鵬峰峻無樵路不信峰頭有竹關截住白雲居上界

放教飛瀑到人間高僧退院孤筇住遠客貪奇萬仞攀

渡澗橫梯事奇絕遊山渾似乍開山

時溪水暴漲不可涉以木梯跨澗躡

奔湍而過

三疊泉

瀑布如遊龍空懸乃靈快鴈山大龍湫奇絕天下最廬
瀑久得名布水曾靜對雖傾銀濤雄終倚鐵壁隘佳哉
三疊泉浚隱巖脅內高攀層峰巔迥出飛鳥背忽見九
天帛飄空無根帶盤旋煙霧霏撲落珠璣碎流蘇灑千
條纓珞垂百派斗折作三層層層出奇態風中舞蛟綃
月下鏘環珮亭亭姑射仙獨立埃壒外龍湫爲瀑王茲

泉乃其配玉峽與石梁組彘等一鱗彼皆享盛名何如
此韜晦物以後出奇坡白嗟不遺晦翁慕新泉萬里求
圖繪奈何今遊蹤來者無一再已矣勿復言知希我乃
貴

酬別文允言四首

柴桑好風土幽絕是仙居山作重城鎖湖歸一鏡儲墟
煙藏澗壑生事足樵漁曠代無兵火淳風似古初

野客拏舟過淹留水竹深烹葵爭挽致開徑互招尊言
與葉蓮峰熊燮友柳公語不參時事人多見古心南村

真可樂陶令此投簪謂燈巖

先生

公子能忘世攜家老一丘詩還編甲子書擬續陽秋學
道甘龍螻蛄觀身取舌柔孤懷常獨往遇我忽相投
廬遊欣結伴踏徧百千峰勇闢垂猿徑浚探隱豹踪山
靈驚咎嘯木客避雙筇絕壁題名處莓苔不敢封

赤壁

黃州古郡臨江干連山抱閣如龍蟠西陲一壁特雄秀
石骨削露朱砂丹朝霞流輝錦錯采浮空映水成奇觀
坡仙官冷無一事攜朋載酒來盤桓煙濤微茫霜月白
與酣落筆如湧瀾亦知孫曹爭戰處遠在鄂渚非齊安
聊借英雄發感慨移山走海在筆端一詞兩賦照千古

山名烜赫垂不刊我浮扁舟訪遺跡迥見傑閣排層巖
龍鼻橫登石齒齒鵲巢高踞雲漫漫樊山對面聳晴翠
蜀江萬里馳驚湍風帆行空鷗鷺小人家帶郭煙林寒
秋容遠意畫不盡斜陽更與憑欄看試剔蒼苔尋古刻
蘇碑趙碣皆已殘紛紛詩札疥屋壁片石共語良亦難
江山清空宛如昨浮生百歲指一彈幾人到此能不朽
沙蟲猿鶴同慨歎題詩一嘯上煙艇東山月出飛玉盤

漢口

漢口通江水市斜兵塵過後轉繁華朱甍十里山光掩
畫鷁千檣水道遮北貨南珍藏作窟吳商蜀客到如家

笑余物外無營者也泊空灘宿浪花

贈漢陽守戴汝兆

風披前代史快讀名臣疏軒昂論治體慷慨談時務字
字藥石攻言言肝膽露此風今則微委蛇歎言路敢頌
不敢規欲吐而復茹近因日食甚求言煩 聖諭闕失
無大小極論勿瞻顧章奏竟寥寥毛舉惟細故切要無
一言滾恐孤 當宁戴君守遠郡言責非所預報國懷
樸忠籌時有長慮奏草出萬言條分而縷布首言重邊
防次言廣積貯禁軍當優卹根本宜培護察逃法應寬
征商力期裕停止官入貲優容吏墨誤養廉必厚祿勸

農須減賦銓政歸畫一律令慎比附求才貴真實課治
畧文具鑿鑿廿餘條直言無瞻顧補袞真有裨批鱗諒
無忤郡章上艱難轉奏竟無助未得達宸聰何由施
舉錯世人盡身謀巢鳩與窟兔君何獨鴻軒卓犖思建
樹籌國有淩衷及此一傾注越職非所嫌乖時非所懼
穎川擢次公淮陽臥長孺但令直節彰寵辱隨所遇

晴川閣

大別山頭一閣雄嵐光樹色遠連空窻涵夢澤三秋水
袖拂蘭臺萬里風鐵鎖不消吳國恨蘆花猶紀夏王功
懷鄉覽古無窮意併在飛帆落照中

遂初堂集

黃蘆遊草

三

黃鶴樓

武昌三面臨江水橫山如屏亘城裏西峰蜿蜒欲入江
歷以高樓半天起三層迥與三霄鄰八面平當八風啓
遙看縹緲浮蜃樓近睇崢嶸巖綺仙人遠自清都來
下視塵土驚崔嵬江山清曠殊可樂停鸞駐鶴相徘徊
草沒高唐觀水浸章華臺六朝興廢漚起滅人民城郭
都可哀世人擾擾風中絮真仙對面何由遇但聞笛聲
嘹亮松聲寒月白江空杳無處刻像標名兩渺茫食齋
得仙何荒唐但須淨掃胷中塵百斛濯纓萬望臨滄浪
庾亮不堪弔禰衡何足傷白雲飛來勸一觴拍肩共入

無何鄉

遂初堂詩集卷之十二

楚粵遊草

桐廬道中

最愛桐江道沿泗興不窮
明窓攤畫卷柔櫓趁樵風
樹變輕霜後山開薄霧中
秋容無限好寫入水清空

嚴灘中秋同周綸景初坐月

蘇臺一片月流影到嚴灘
遠共桐君對清於鶴澗
看光生層嶂晚輪湧暮潮
寒令節同爲客銜杯莫放乾

子陵祠

西京輕處士東漢重高人
爲有羊裘老巖棲不可臣
貞

風開一代素節繫千鈞不願眠青瑣家山有富春

清絕此溪山荒祠積翠間未曾停俗駕應畏洗塵顏

任上

官與賈客例
不入此祠

片石仍千古青鞋任往還雲臺與原廟索

寞土花斑

誚張羅峰

羅峰以光武不考南頓爲非惜
于陵不能故正勒石置洞中

已將曲學逢時主更把蕪詞短古賢莫怪清流驅逐盡

修羅隻手欲遮天

新安江

愛此江清淺彌年復泛舟勝遊皆二仲好景及三秋嵐
翠紛相引川光湛不流禽魚如舊識相傍共沈浮

水從天障落山作碧城開一綫浮空去千重倒影來
晴皆畫本細大總詩材便與桐君約擬尋歲一回

淳安懷商文毅公

曠代生人傑鍾靈地脉遙科名尊一代相業冠三朝
逸思蒐訪雲孫竟寂寥亭亭天半塔卓立見丰標

同年方渭仁毛允大俱遂安人毛已亡方亦老病
行次遂安江口去縣尚百里欲往不果悵然有作
好友何寥落愁緜譜籍看無年痛毛遂善病憶方細
弱支門苦衰遲採藥難憑誰問消息迸淚朔風酸

水口至屯溪入休歛界

行經越地盡進艇復吳疆井里俄繁盛山川更鬱蒼千
年存譜牒一姓自村莊風俗猶淳古乘輅未可忘

文溪乘筏至漁亭

未試登山屐先乘上漢槎真成鷗鳥伴宛在水仙家濯
足臨清渚鋪茵就軟沙客身輕自好一筏徧天涯

遊齊雲山

去春登黃山意乃無白岳如聆鈞天奏不願觀他樂茲
晨經山椒了了見巖壑寧當舍之去翻然理込屨稍前
歷陂陀漸次見崖壑穹然天門開混沌竅一鑿諸奇畢
軒露石屏玉骨琢嶄巖龍垂胡巖疑犀挺角陰洞雪凝

乳陽岡珠濺瀑前臨千峰朝下瞰一溪絡山小而雄奇
靈氣所磅礴璇宮開中央金碧光照灼道院環其旁蜂
房互叅錯北帝本天神尊嚴位幽朔道家謬攀援謂是
列仙作妄號爲祖師矯誣非虔恪佞臣媚驕主醮祭求
冥漠依仿太和山此宮復經度嘉靖中尚書汪鉉爲到
世宗祈嗣始建此觀到
今崑崙民重繭走犂确千里齋金錢濫充黃冠彙吾思
正神名巫史驅俗惡精擇許葛流焚香領笙鶴神靈旣
歆妥山川亦清廓裁詩比振鈴來者庶能覺

祁門縣

地是南州脊江從左右分山城通淺水野成閉寒雲環

谷書難得秋崖詠不聞市樓終日坐賈客漫同羣

閩下

邗閩自昔稱天險惡石鐫除路不難安得五丁驅快斧
盡平閩嶠百千灘

浮梁道中

饒江源至狹舟小狀如蝸水到高灘駛山依曲岸斜溪
喧聞碓土山出磁土就水碓
春之方可製器林赤見燒畬賴是豐年過

荒村有酒家

景德鎮

烟火十萬家鎮大無與耦家家業爲陶型範傳世守磁

土產近山淬煉江清瀏遷地弗能良厥利擅九有平居
盤餐間杯碗日近口何曾覩埏埴試共窺甕牖轉圓以
機關應量隨薄厚丸泥忽成器敏捷無停手宿火潛薰
蒸質堅金石壽人巧參天工利溥燧皇後他物珍新奇
惟茲器求舊柴汝與官哥購者金積斗宣審及成嘉貴
亦等瓊玖今朝飭考工古法十得九識者誇精良調堪
垂不朽嗟哉世運薄萬事日衰醜盱衡論人物得勝前
朝否唯陶以工聞使我沈歎久

饒江行

百川皆居海西頭赴海一一趨東流苦哉饒江限柳嶺

屈曲繚繞經饒州西行千里滙彭蠡又數百里川江收
穿吳貫楚方入海千回百折阻且修不見嶺東交溪水
注新安江一葉浮信宿之間到杭越徑赴大海何優游
人生順逆有類此客子感歎行不休語客勿歎水潤下
善利萬物能仁柔灌溉津梁功德博其行愈遠澤愈周
歸湖注江湖不可涵漫東南百十州畢竟滄溟作歸宿
豈必迅疾爭先籌作詩江神定首肯便風獵獵蒲帆秋

饒州府

樂土稱茲郡幽偏水一涯連檣轉紅粟接棟貯青甕勝
想芝山寺殘思薦福碑避喧吾竟去

學使在饒
人客廨集

心事白

鷓鴣知

渡鄱湖

湖濶原無際來逢水落秋
片帆凌淺渚一嘯越洪流
沙冷魚龍睡天清鄱邑浮
前朝百戰地蕭瑟葦花愁

康郎山功臣廟

戰勝鄱湖帝業成元功端合讓羣英
敵鋒挫盡身借沒江水枯來恨始平
肖像雄姿選虎視冠山祠廟匹雞鳴

新常請功臣廟雞鳴山後來黨禍公侯酷不及忠魂萬古榮

赤沙丹嶂踞湖心廟貌蒼寒竹栢陰
五夜燐青聞鬼哭三秋水落見龍吟
褒忠異代碑猶樹祈福商船酒一斟

配食大烝今寂寞鍾山陵闕土花淺

江右藩臬諸公招遊北蘭寺席間有作

招提清絕俯江干亭榭蕭疎竹樹寒
滾滾帆檣飛電過
層層嵐翠疊屏看
壯如滕閣羃塵遠
幽比東湖眼界寬

誰解披榛新締構
買山支遁着儒冠

謂濟雪上人

偶隨征雁過江來
地主多情綺席開
驄馬迂迴臨竹院
伊蒲香潔進山杯
節鄰重九無風雨
路入花源好溯洄
勝地佳遊堪作賦
袖毫空羨子安才

九日登滕王閣

片帆重過章江驛
九日還登帝子樓
天外飛甍仍壯麗

雲邊獨鶴故遲留
年華落葉催鮮葉
物態新洲換舊洲
劫火不銷惟鐵柱
苔花臥冷蟄龍秋

不向天公乞便風
偶逢佳節客途中
江山無恙嗟霜鬢
詩卷長留笑轉蓬
孺子漫爲磨鏡客
雲卿甘作種蔬翁
南州耆舊今何在
獨倚闌干望碧空

東湖

高城中貯一湖清
蘋末風來弱浪生
昔日環湖盡王府
於今倚郭半軍營
芙蓉尚惹宮人淚
峽蝶猶縈帝子情
欲共殘僧話
灰劫角聲
淒應晚鐘聲

孺子祠

徧覓湖濱孺子祠一間茅屋罨蛛絲可憐戍卒新耕地
曾樹開元故相碑

樟樹鎮

水市章江岸由來藥物賒珍叢來百粵異產集三巴鮑
靚應頻過韓康或此家何須乞勾漏卽此問丹砂

過臨江聞同年黎蕭雲已亾居村不獲弔唁詩以
悼之

同籍推君老懸魚有歲年猶希雲在岫竟作劒淪泉貧
豈因官減清當以品傳歸田多著述誰與輯殘編

萬年橋

舊傳吳胥門有橋甚雄壯不知何當事譖媚分宜相拆
毀遠送之未悉其真妄茲來經秀江巍橋儼在望橫鋪
八九筵袤亘數十丈石質盡堅珉蹲獅屹相向皆言自
蘇來運載以漕舫嚴老自撰碑亦頗言其狀始知語不
虛世事多奇創橋梁是何物乃作權門餉鞭石與驅山
勢力豈多讓充此何不爲穹天一手障爲德於鄉里或
云差可諒不聞掠彼衣而令此挾纊冰山一朝摧籍沒
無畱藏獨此巋然存千秋截江漲頌誓兩不磨功罪亦
相當猶勝庸流片善無足况吳山多佳石胥江足良
匠有能更作橋舊式猶可放

登鈴山

鈴山臨秀江城堞粲可數褰裳躋其巔曠望極平楚連綿青千重宛委白一縷山川旣清雄形勢亦環聚篤生兩異人乘時各軒舉一爲練子寧讓皇倚謀主一爲嚴介溪世宗寄心膂練也竭忠貞崩天力撐柱隕身覆其宗英名滿寰宇嚴也怙權勢乳虎而傅羽祿位極人臣奸名亦千古薰膺兩殊絕所產同一土地靈安足恃人傑在自取君看鈴山堂泯滅無遺礎峩峩練公祠拜者如墻堵

昌山龍母廟

霜刀斷尾曾無怨
擁土成墳報母慈
多少鬚眉愧龍子
披榛試與讀唐碑

自蘆溪陸行過萍鄉抵湘東

袁江源盡處間道走湖湘
城冷如村落山荒似戰場
披圖江甸盡改火楚天長
旅館明燈夜何人不念鄉

湘潭縣

九里塵居接三湘
此最饒遠商通嶺海珍
物有參貂謠俗仍龐
雜人文未寂寥
相逢故鄉客欵語百愁銷

吾吳洞庭

山人多客於此

茶陵兵警

雲陽堪避世何意忽稱兵已報官軍捷無妨遠客行
潢池原赤子鋌鹿本儒生亂首爲陳秀才努力寬苛政同心輔太
平

長沙寓舍

郡故有姑蘇會館是洞庭商人所造余至寓焉

邸舍鄉人築如歸客寓居清幽同佛院妥適乃吾廬家
醞求頻得南鴻到不疎鄉情天末好戴笠勝乘車

道林寺

六代知名寺來尋片碣無空牆圮礎礪荒蔓走鼉鼉壞
劫禪林共周年梵相俱杜韋詩本在吟想見雄模

岳麓書院

書院前朝盛兵餘結構存面江形勢濶冠阜殿堂尊日
靜魚生篋池清雀在門都無絃誦子辜負賜書恩

北海碑

書帖嘗臨彷彿豐碑今始看題名惡札覆行字烈烽殘舊
榻尋難得家藏本幸完真風雷片石盡日與盤桓

禹王碑

唐宋無人見流傳自用修潛藏南岳頂炳著此峰頭篆
古無旁證箋多以意求應同出土器約畧認商周

岳麓寺

湘中古寺荒殘多岳麓氣象猶巍峩金繩迴絡丹嶂杪

紺殿聳峙蒼巖阿夾路琪花散芬馥摩霄道樹交枝柯
霜鐘曉吼萬壑應清梵夜唱諸天過堂前清江縈若帶
檻底碧岫攢如螺潭府人家環雉堞橘州烟樹飄漁篲
天爲詞人設屏障愁驅羈客來吟哦僧廚齋粥飽瓔珞
禪老繩牀鄰鳥窠舊事從頭話灰劫精藍掃蕩經兵戈
曹洞兒孫重開闢湖湘龍象爭奔波規制千楹未還舊
宗風一綫仍擔荷靜思物理足興廢遠溯世運更平頗
人生浪作切泥刃日月一似經天梭富貴功名旣虛假
文章翰墨同消磨息心幸可侶白足逐世豈必騎青驪
七十二峰行徧討懶殘有約無蹉跎

浮湘

小年懷楚澤老去涉湘流
澗會千溪水清涵萬象秋
峰巒際湧城郭纜邊浮
直與岷江敵巴湖遜上游
勝地紛相引船行盡開洲
黃知橋近村紫愛楓來岳
色寒衣袂江光潤酒杯
竹枝聲宛轉唱入棹歌哀
晚泊寒沙際朝行枉渚間
叢蘭臨水秀細竹近人
墜屈賈招難返英皇弔不還
南遷無限客灑淚此潺湲
萍實浮如斗柑房綴似金
餐英香滿箸擷秀露盈襟
歌辨才殊昔椒蘭感至今
湘靈不可見鼓瑟有餘音
冬日垂垂短江流莽莽
澗斷鴻遊子態落葉放
臣心雨

入湖天黑雲橫楚塞陰不眠思正苦戎角更悲吟

山雨添新漲江風作驟寒亦知歸楫利轉覺客衣單手

板迎新牧樓船候上官

時撫軍將位任

孤征我何事相傍宿驚

湍

日苦北風盛宵來益怒號力排江却轉遠送雨蕭颯漲
忽兼天濶舟看壓岸高紅塵多駭浪何況此江皋

乍喜風威息還看旭日晴迴帆仍利涉順浪更逆征天
怒無多日江行不定程堪憐傾覆者力與石尤爭

欲浣長纓去滄浪濁奈何獨醒漁父笑却曲楚狂歌鶴

矯思瓊樹鸞儀待玉禾無心爭腐鼠不用嚇洵河

下水行當疾淹留鎮日風路難兵警後節駛客愁中漂
泊心仍壯行吟興不窮三湘多故事握槩訪南翁

沅江

地僻行難到人稀縣似村無城江作帶有店席爲門水
落魚鳧賤庭空令長尊故人曾臥治遺愛至今存

貞宰此有聲擢
垣中未任歿

赤沙湖

鼓楫違青草停橈已赤沙湖光開曉鏡山色上朝霞月
浣魚龍宅霜寒雁鶩家棹歌聞欸乃秋思渺無涯

天心湖

一白初無際天寒水不波泊船依戍火欹枕聽漁歌
荻衝山小鳧鷗占月多前賢阻風地吾幸片帆過

此湖有詩極道風波之惡

龍陽縣

古縣仍蕭索千家枕水濱村連九江漲山接五溪雲隄
潰全瀦水城荒半駐軍拊循良吏事中澤有鴻聞

青尉祠

洪武中龍邑多浮糧典史青文勝詣闕三疏不省自經登聞鼓下帝感動遣官按

問得實減邑賦二萬四千龍人德之立祠名惠烈

縣尉何微末披鱗數上書甘將一身死力減萬民租苦
語同圖繪孤忠匹史魚君看厚祿者拜疏幾躊躇

滄浪水

一水天然有濁清足纓任濯水無情同塵舉世皆漁父
高潔何曾有屈平

橘洲

是李衡種橘處

讀書莫讀貨殖傳太守何須苦患貧橘易凋殘洲易徙
清名讓與習夫人

墨池

長史遺蹤水一泓苔痕猶傍墨痕明可能墮地爲書聖
退筆如山藝始成

遊金牛山

夙聞金牛勝不謂在茲土披圖忽見之興發不可阻天
意亦助遊新晴收宿雨肩輿陟陂陀遠翠上眉宇山村
多高楓紅葉披繡組褰裳入蒙密徑窄不容武峰移境
忽開萬山勢翔舞迴環作重城龍行顧其祖佛寺居重
岡衆青可摩撫烟村楸枿碁水田衲衣縷祖庭久荒廢
老僧忍寒苦把茅成叢林黑月一燈吐清晨上層巔旁
州粲可數碧連衡陽峰白盡洞庭浦西南天地寬嶺嶠
風物古是身如浮槎隨流滯南楚逢山便扶筇遇僧且
揮塵採風非我事山經庶能補

贈金牛寺主鶴岩

迢迢吳嶠一燈傳，獨跨金牛二十年。
枯冷坐殘雲抱石，蕭閒占斷碧圍天。
偶拈莖草爲香刹，時把鋤頭作影鞭。
收笛橫吹牛背穩，不留一跡印前川。

余若山邑令招集來鶴亭

滄江一曲繫歸舟，地主情深且滯留。
博選林亭供遠眺，頻攜尊酒助清遊。
竹籠初日青藏院，橘帶新霜綠掩洲。
鶴唳九天招不下，雲心於世本無求。

題雨花菴

僧居不可俗，愛此數椽清。
紅葉遮籬密，蒼藤抱石橫。
窓虛延竹色，亭迥入江聲。
最喜龐眉衲，天真不世情。

謂老僧

閱孤兒額天錄

明末邊事危寇氛復狂熾廷臣侈空言迂疎鮮任事武
陵明練才宸衷有獨契中樞與政府柄用恩不次孤立
旣招嫌超遷復叢忌生前爲射的死後餘詬厲論人貴
平心尤須審時勢奪情奉特旨投艱詎可避廷爭胡不
早乃在枚卜際東西旣交警款市非失計增餉豈得已
勦撫實兼議敗絮塞漏舟焉能保必濟時危出督師一
鼓頗作氣大吏割城府驕帥抗節制燎原火將滅蟻漏
堤忽潰功敗於垂成人謀亦天意嘔血死軍中豈曰非

盡瘁奈何操觚家矢口紛彈刺彼實荷千鈞力盡乃傾
躓又如救焚者焦爛以身試餘人但旁觀媿媿談利弊
當局竟何如可笑亦可涕痛憤有孤兒雪謗一編綴封
章及詔旨條分而件繫年月辨後先人地析同異無根
掃風影疑似消霾翳是父有是子忠孝聲不墜信史垂
千秋公論未宜廢作傳今何人吾衰客蠻裔裁詩寄金
門下筆宜審細

閱邸報知前廣督吳伯成沒於塞外坐臺之所詩
以哀之

風標岳立量淵渟力剪鯨鯢靜八溟

吳爲閩撫時與姚督協策滅臺

樹德蠻方多感泣論功鐘鼎合書銘時移開府還乘障
運去窮荒竟墜星如此人材如此沒羊曇清淚不勝零
人寰難得見英雄君有前朝使相風一士盡教羅幕下
千金不惜濟途窮酬恩絕少銜花雀媚勢偏來射影弓
楚些招魂返何地桐鄉只在錫山東

吳起家
無錫令

泛洞庭湖

九江瀦一湖占地楚封半名城十二三微茫綴湖畔夏
秋水盛時涵天四無岸中流吐日星餘波沸江漢我行
值仲冬水落勢平漫猶然浩無涯道里不可算安鄉抵
巴陵淹泊屢昏旦眠餐蛟龍窟偃息馮夷館風濤猛堪

驚雲物奇可翫霞蒸錦鮮新日燦金燦爛水浮玻璃天
山橫青玉案帆移畏翅鷗雁度愁弱翰域中標五湖雄
奇此爲冠平生慕圖詠及茲窮壯觀最喜流潦清客水
盡消散全湖露真形山川見條貫惟湖有容德不盈亦
不曠世人昧遠覽臨流畏湍悍不有大壑潑數州盡沈
灌配濟能停滌比海齊浩翰愧無郭木才神功莫能贊
亭壽思化源望洋但三歎

岳州

三分重鎮說巴丘地控荆襄踞上游千載兵爭餘戰壘
重湖形勝聚城樓江山清助詩人筆風浪危停過客舟

乘興我來無一事玉笙吹徹洞庭秋

登岳陽樓故址時樓燬於火

范公樓記杜公詩小小名區入夢思
準擬快臨圖畫地何期正過劫灰時
湖烟漠漠籠荒堞江月亭亭照斷碑
好語使君重締構子京名蹟至今垂

望君山

君山葱蒨出湖心帝子當年羽衛臨
淚點萬千凝翠竹煙鬢十二聳瑤岑
山出瑤竹有十二峰秦皇赭後山仍碧
楚客歌成恨轉深風引船移難得到
飄來仙梵有清音

白鶴山呂仙亭

千葉風帆萬點鷗
白銀濤裏翠螺浮
蓬壺未必能勝此
合得飛仙挾笛遊

白鶴西飛去不回
仙翁凝望立層臺
澄湖萬頃葡萄綠
直取君山作酒杯

汨羅江

鴻荒喑啞幾千年
帝遣靈均筆舌宣
百代詞華開鼻祖
一生情性屬蘭荃
不容人世甘沈水
莫解牢愁但問天
堪笑楊雄老無賴
學騷先著反騷篇

黃陵廟

墻圍薜荔座封塵
帝女千秋尚有神
玉珮向來臨北渚

遠和生... 卷上... 文正... 三
愁顏猶似望南巡無端清淚滋叢竹不盡靈風動白蘋
門外湘江遷客路流傳題句倍酸辛

湘潭僧舍度歲

忽忽歲云暮行旌此暫休乾坤皆逆旅身世本虛舟佛
火清塵夢鄉音慰客愁禪風未寥寂分歲話烹牛

酬石天半

君家世德重湘川不墮門風廉石邊綵服承歡萊子孝
火攻無忤伯仁賢畢婚饒有名山興藏篋仍多香草篇
三乞天公應盡與青青岳色上華顛

懺心寺有作

寺爲李尚書騰芳所造

履道坊中宅已虛中卽後裔亦蕭疎惟有祇園布金地
山僧猶說李尚書

謁南岳廟

五岳其四鄰冀方惟衡僻遠居南荒唐虞疆里本宏濶
時巡望秩典禮詳後王德薄不逮遠移濤改霍非經常
百王祀典定歸此崇封顯爵何輝煌廟貌尊嚴擬宮闕
朱甍碧瓦松千章國有大事必祭告重臣專使齋天香
神靈肸蠭昭報答祛邪殄寇時雨暘我來遊岳首瞻拜
澡心滌慮棲齋房展禮不敢用牲幣旃檀一片將芬芳
頗嫌殿宇未宏壯劫火之後門爲堂舊基儼在廣百畝

不見寢廟空迴廊作新復故守土事資出國帑理亦當
何人以此遠天聽客子周覽徒磅徨夙欽名勝特揆訪
遠涉章貢浮江湖岳靈由來肯念客開雲霽雪非荒唐
乞收宿雨賜晴旭振衣直上萬仞岡

朱陵洞觀瀑布

萬古朱陵閟洞天洞門無鎖瀑泉懸青霄雪練飛千尺
白晝風霆吼一川洗耳醉眠非俗客排簾出入是真仙
璇臺蕭穆清都近石上塵踪莫漫鐫

九仙觀

南岳稱仙山自昔多高道彌明與率牛傳記森可考我

行憩岳祠鍊師跡如掃但見巫祝流握衣事請禱去去
之九真真踪庶可討古觀宅山心層岡鬱相抱涉夏沛
靈泉凌冬秀瑤草古來精修人巖棲樂枯槁功成蛻骨
去九仙不爲少踵美竟無聞童童虛羽葆至人多晦跡
潛龍不舒爪未測仙有無但愛山靜好洞窅憶龍威芝
肥思綺皓應呼遺世人沈冥此中老

黃庭觀

紫虛高閣霧氤氳嶺上流泉竹下聞峰銳不容多著屋
石奇猶似乍停雲九還丹訣垂真誥三疊琴心啓秘文
見說女仙修更易有誰精懇繼元君

福嚴寺

嗟峨獅子峰天柱屹相對福嚴古道場葱蒨林壑內堂
堂思大師法華得三昧諸佛一口吞卓立雲霄外讓祖
誠金雞力弘曹溪派磨磚覺馬駒傳法周沙界繩繩列
祖庭衰替自何代式公弘覺孫道風出流輩努力扶刹
竿一燈照昏晦我來訪名藍零落多可慨南臺無一椽
石頭塔空在幸此猶煥然法幢未頽壞家風話熟梅道
味嘗苦菜不虛凌寒來雪柏有奇槩

自獅子巖過兜率鐵佛丹崖諸巷踏雪抵上封寺
山遊不厭奇衆態宜徧歷迴風驅雪來林巒忽改色沾

衣始飄翩灑葉旋
浙瀝陽岡薄猶融
陰嶺濃遂積瑤臺
聳千尋琪樹森百
尺赴壑泉有聲梯
空磴無跡僕夫更
鼓勇遇巷每一息
薄暝投上封掩扉
正禪寂踏雪上天
門怪此遠來客圍
爐不禦寒更以濁
酒敵境清不得眠
徹月透簷隙夜分
更披衣巡簷玩虛
白臥雪萬仞峰一
生無此夕

上封寺竟日對雪

名藍高踞祝融巔
檻外峰巒擁百千
一雪幻成銀色界
孤筇真到玉樓天
下方隔絕忘何代
佛日清幽似小年
此境祇應僧獨領
客來分取是奇緣

雪後登祝融峰頂

撥開磴道雪埋冰直到孤峰最上層
百億須彌銀地湧三千世界月波澄
空明只合諸天住縹緲何當弱質升
濯盡人間塵土魄仙心詩力一時增

炎帝尊嚴坐碧霄霓旌擁處衆真朝
峰頭賓日千年觀巖畔通仙百尺橋
天樂每從雲外聽靈椿不向雪中凋
向平婚嫁何須畢便合抽身此挂瓢

中山寺

松偃青梢竹臥枝寺藏深塢路透迤
出林清磬聞疑近隔谷鳴泉到轉遲
習靜最宜幽勝地樂飢須耐寂寥時

精修說有龐眉老欲訪高踪雪滿坡

九龍菴

谷轉峰迴路更幽青葱雜樹不知秋
清泉布石垂爲瀑老屋臨崖疊作樓
雪點蒼苔如卷畫雲迷大壑欲藏舟
一瓢一鉢相將老應笑遊人踏凍遊

茅坪

踏殘雪磴到松坪枯木巖邊古寺清
宅近神龍多雨氣窓臨絕壑有泉聲
賢王種福猶存字老將逃禪不記名
本色住山無別事石田歲歲課刀耕

西明精舍

遂初堂集

楚學遊草

卷上

三

雲橫石路水平潭
千樹松陰覆一龕
最是僧家能選勝
山纔佳處便爲菴

方廣寺

蓮峰秀出衆峰西
碧葉千層一萼齊
寺在花房平若掌
人來雪路淨無泥
谷澗長與雲爲甕
天近何勞壁作梯
借問朱張酬唱後
幾人連袂更留題

二賢祠

南軒送晦翁依依不能舍
相將遊岳山冒雪策疲馬
唱和詩百篇萬象入陶寫
戒作旋復開此意殊瀟灑
學問本性靈天真何用假
尼父亦快遊登岱小天下

鄴侯祠

鄴侯本仙才不仙相亦得賓師帝王間轉圜有餘力功名何足貪所濟在人國卷舒雲無心衣紫豈異白岳寺遇懶殘撥火分芋食彼此謫墮人相逢兩相識

甘泉書院

甘泉八十翁銳志遊岳山徑出不告家扁舟越重關不令官府知婆娑千峰間結廬選幽勝石瘦泉淙潺九十仍再至霜髯映童顏寥寥百歲後高風杳難攀

辭岳

遠遊心事岳靈知幾載載峰巒入夢思縱覽不嫌寒日短

送不... 卷五... 三
窮接休恨到來遲雪凝雪霽看皆好雲合雲開態總奇
難見可能容易別殷勤回望下山時
十嶽終當次第遊南衡夙願略教酬荷衣肯許朝衫換
靈藥誰容肉食求混迹高流淡莫測藏山古簡秘難搜
重來休作匆匆計結隱何妨卜一丘

石鼓書院

石鼓臨江干樓臺鬱葱蒨荷清湘與濁蒸交流如組練天
清岳雲開五峰了可見粉堞圍山根虹橋壓波面烟火
十萬家壯哉此郡縣富庶誠則佳教養策宜善鼓鳴兆
兵興古語垂記傳往歲滇池翻毒流炎方徧長鯨此窟

宅大小經百戰頃者雲陽墟狂人忽相煽白梃薄堅城
千里爲傳箭昔賢有遠圖於此置書院欲以弦誦聲潛
消百災變道喪儒術微品淪士風賤振興當何時高歌
激英彥

迴雁峰

江風落盡嶺頭梅我正南行雁北迴自是行人行更遠
不關鄉國少書來

衡陽舊是桂王封吳淩南來甲楯重試憶金沙江上事
也應難上雁迴峰

遊浯溪讀中興頌石刻

沿湘數百里，浯崖最奇秀。高雖不天齊，石骨皆透瘦。老
樹垂濃陰，清溪響寒溜。天然一園池，神功巧結構。次山
富文辭，性復愛林岫。初隱得寒溪，江山鬱奔湊。罷官復
家此，卽山闢爲囿。洞壑羅庭除，烟雲出襟袖。平生有鴻
篇，思與山石壽。大書乞顏公，磨崖屹鐫就。文高嗣周雅，
書古追篆籀。煌煌忠義心，輝天而薄宿。奈何老涪翁，題
詩誇發覆。謂頌舍刺譏，無乃傷忠厚。大物落盜手，取之
亦何咎。本意頌中興，悲痛復何有。立論但求新，此病正
當救。微哉辨欵乃，區區爲音讀。

山谷書次山欵乃歌
刻石仍譏味人談讀

鏡石

關漿停帆步綠苔
村童野女盡徘徊
縱然不識銀鈎字
也爲摩挲石鏡來

窳尊亭

樹爲簾幙石屏風
鳥語泉聲絃管同
更遣湘江作春酒
窳尊無底不愁空

永州

零陵古名郡山水致清佳
故國傳封象遺風說捕蛇山
高多戰壘戍密有清笳
見說昇平日闡城十萬家

柳司馬祠

矯矯河東彥明時放可悲
艱難敦友誼坎珂振文辭
學

闢炎方陋遊窮水石奇樓神宜此地不獨戀羅池

愚溪

愚溪清見底夾岸盡山根高下雲籠寺蕭疎竹映村儘
堪娛謫宦不異住名園深入通何境乘槎欲問源

綠天菴

言尋懷素跡遠過綠天菴蕉展書殘葉苔封宿處龕
精皆入聖心淨不妨酣秀絕崙峰頂亭亭卓正南

芝山巖

昔讀柳侯文永乃山水窟揭來訪遺蹤強半已蕪沒依
稀鋤鋤渾茫昧袁家渴時譽歸芝巖攀登果奇崛削壁

儼金城萬雉不可越佛寺嵌懸崖盤盤梯空出石銳盡
指天粲若干花發地朴未安名意擬肖百物洞穴忽旁
通初晦復明豁側足上飛梁下瞰溪活活臨溪一茅茨
花竹森成列得非列仙家餐霞宅可拔境妙何古今一
見勝千說題詩補補記用獎來者轍

朝陽巖

朝陽一拳石空中巧廻環洞窅不可入細泉流淙潺其
下臨瀟江綠淨玉一灣架木爲飛橋聳身出雲關駢立
石秀潤剔苔字爛斑可觴復可奕晨登暮忘還茲巖信
清美顯名自次山兼近南郭門遊人易躋攀豈無奇絕

壁埋沒荒榛間物有遇不遇躊躇增浩歎

澹巖

永山多空靈澹巖奇之最骨山略無土腹巧乃勝背大
巖穹然開籠騰張可畏一寺隱壁間層樓瞰無外稍進
爲螺旋漸濶作雲蓋鵬鸞翅側垂鯨鬣鬚却礙廣厦蔭
萬間舞佾容百隊暗疑蟠蛟螭顯若樹旖旎璇臺高下
陳玉像參差對閣道通便房仙杵列方罍廓然啟天窗
雷轟自何代地靈不受寶谿達露肝肺林屋與善權信
佳恨幽晦明淨孰若茲宏敞亦無輩前賢多題刻錯落
排珠貝捫讀未及終亭亭日西墜恨不襍被來留連測

光怪萬事不可期清遊或能再